


NO KONSEHO DI VOTO

Yabi di Boneiru den man di prens ku pancho



Diputado Elvis Tjin Asjoe djabièrnè atardi a risibí embahadornan di karnaval. El hasi entrega di yabi di Boneiru na e duo. E hóbenan a haña splikashon di importansia di sala kolegio ehekutivo.



Apesar di 1 barku, Boneiru ta keda benefisiá

KRALENDIJK— Den e konferensia di prensa di awe, djabièrnè 10 di febrüari 2023, diputado Hennyson Thielman a duna un aktualisashon tokante e ‘maneho di 1 barku pa dia’, ku ta enfoká riba un mihó eksperensia pa turistanan krusero i habitantenan di Boneiru.

Apesar ku Boneiru denter di poko ta bai mira solamente un barku krusero mara na waf, no ta bai sinti e efekto, esta ku ta bai tin ménos entrada. Esaki ta loke diputado Hennyson Thielman a bisa i a splika kon ta bai atendé ku e situashon. “Hopi kos ta tumando lugá den desa-royo pa loke ta trata barku nan krusero ku ta bishita Boneiru. Barku ta trese 30 mion dòler pa e isla di Bo-



neiru. Momentu tin barku krusero, ta difisil pa atendé ku ámbos i na mes momentu barku òf barkunan di karga”, Thielman a bisa. Boneiru tin solamente 2 waf pa por mara barku grandi. Si tin barku di karga mara na waf, momentu ku tin barku di turista yega, e barku di

karga e tin ku kita for di waf pa esun krusero mara. E siguiente dia e por sigui ku enkargamentu. Esaki ta kosta mas tambe ora di trabou i e tin konsekuensia riba e preis di e produkto. Ora tin 2 barku ta presentá hopi difikultat den e área nan ku e turista ta bai. Entre otro ta bisa no trese mas hende na sierto bichnan, pasobra ya e lugá ta yen di hende i no por akapará mas. Meskos taksistanan ta bisa tin muchu hende i no por atendé tur manera mester ta. Tambe turista di barku ta warda inmensamente, promé nan haña un vehíkulo pa nan por hasi un paseo. Pa e motibu aki, ta purbando pa yega na un manera pa solamente 1 barku mara pa dia na waf na Boneiru.

Pa loke ta trata e entrada

e ta bira mas pa Boneiru, pa loke ta trata e tax ku nan mester paga. Pues Boneiru no ta bai sinti ku tin un barku i awor tin ménos entrada. E entradanan ku gobièrnu generá for di barku krusero, ta bai pa komunidat, esnan den nesesidat. E ‘maneho di 1 barku pa dia’ ya kaba a drenta na vigor for di aña pasá, komo resultado di e Plan di Rekuperashon di Turismo, sinembargo tin algun dia ainda e aña akí ku mester kumpli ku sierto kontratonan. For di mei mei di luna di aprel esaki práktikamente no ta e kaso mas. Sí t’asina ku ta permití barku chikitu ku ménos di 700 pasahero komo di dos barku. A papia tambe tokante revishon di e kriterionan i eksigensianan pa hasi reservashon den haf. I alabes a konsiderá sierto medidanan di stimulashon pa motivá liñanan krusero pa bini den ‘low season’.

Tambe tabatin un barku di Karnaval i prensa por a bai riba dje, pa haña informashon, kon tur kos ta keda hasí. A duna un splikashon amplio kiko i kon ta atendé ku sobránan di kuminda i awa shushi. Nada no ta bai laman tampoko keda na Boneiru òf den e área. E meta tabata, pa sera e re-

lashon di trabou di barku krusero ku otronan. Ya pa 2 aña ta atendé e asunto pa yega na solamente un barku krusero pa dia na Boneiru. Diferente faktor a pone ku a tuma poko tempu promé por rea-lisá e desishon. Tin barku ku no por a kambia fecha i no ta bin mas. Pero e situashon ta bai keda stabil. Otro kos, ta pèrkurá pa tur hende riba e isla, disfrutá di e entrada i benefisio di e barku krusero na Boneiru. Turista di klase no ta importá, tampoko si e ta riku. Importante ta ku e ta gasta sèn na Boneiru.

Hopi turista ta bin Boneiru solamente ta pa sam-buyá, pero a krea mas posibilidat pa e turista tin mas kos pa hasi i no solamente sambuyá. Ta bai tin dia ku tin barku grandi i un chikitu di kisas 300 hende, kompará ku un grandi di 4 pa 5 mil hende. Na aprel 2023 ta último luna ku 2 barku turista na mes momentu na Boneiru. Despues lo no mira esaki mas, òf kisas algun biaha mas. Boneiru no ta atraé tur tipo di turista Boneiru no ta ofresé un bida manera den Las Vegas. Sigur tin kos ku mester mehora e fasilidatnan riba Boneiru, pa akomodá i laga e turista disfrutá mas di e isla.



Met verbijstering en ontsteltenis hebben wij kennisgenomen van het overlijden van onze collega,

Jonathan Theodora

Wij zullen Jonathan blijven herinneren als een gedreven aspirant-agent. Zijn enthousiasme en levenslust zullen wij missen.

Wij wensen zijn familie alle sterkte toe bij het verwerken van dit grote verlies.

Namens de collega's van het Korps Politie Caribisch Nederland,

De heer Alwyn Braaf
Korpschef Korps Politie Caribisch Nederland



Glenda Bernabela a hasi 70 aña di bida



Glenda Bernabela, a selebrá su fecha natal(70) ku un bendishon riba e dia, na parokia La Birgen di Coromoto. E kor ku e ta forma parti di dje, Kor Speransa, a animá e Santu Sakrifisio, ofisiá pa pader Marc Hooijschuur. El a risibí orashon dilanti altar i bendishon di awa bendita.



N
E

Hende ta keda sorprendé mi. Semper m'a pretendé di tin bon konosementu di hende. Por lo general esaki ta kuadra tambe, pero den e último simannan mi ta haña sorpresa. Pero kiko mi por bisa? Na final di dia hende ta keda hende, tòg?

Mi ta parti di un grupo kreativo di 9 persona. Nos tin añanan ta reuní pa hasi loke nos ta gusta. E palabra reuní ta muchu pisá, paso ta nada struktura. Tin bia nos ta keda lunanan sin bini 'huntu'. Mi ta kere ku esei ta hasié dushi, no tin preshon. Ora tur hende tin chèns òf sinti pa primi e 'djus kreativo' nos ta aserká otro. Nos tur konosé otro di añanan atras, ami ta e úniko ku ta biba na Boneiru. Tur sobra ta biba na Hulanda i 1 so na Kòrsou. Mi tin ku bisa durante e pandemia nos a reuní mas tantu. Lògikamente den karentena tabata fásil pa topa otro di e manera digital.

Tin un persona klave ku parse ta trèk e asunto. Semper e ta aserká tur hende, riba su mes algu masha positivo. No ta e a kuminsá ku e grupo, pero e ta mané e man drechi di esun ku a kumins'é. Pero m'a nota ku hopi hende a sali fo' i e grupo. Na promé instante mi no a ripará. Ayera mi a bisa ku lo mi no por sigui mirando ku mi tempu ta hopi limitá. Mi amiga, ku a lanta e grupo a bisa mi ku awor ta 3 persona a keda. Miéntas e ta papia ku mi, m'a nota un patronchi straño. Ku nunca ántes mi a ripará.

Su man drechi ta e persona ku tabata yud'e basta ku e grupo. Pero ta mesun persona aki a kurashá sobra hendenan pa stòp di asistí. Tur hende a stòp despues di kombersashonnan ku e persona aki. Ami tambe. "Skohe pa abo, e kos aki ta kosta tempu so", el a bisa mi komo konseho. No komprondé mi robes, tabata mi desishon pa stòp. Pero mi a sinti mi 'sostené' pa e persona aki. Lesadó, un lès importante: tin bia loke ta bringa kontra bo, ta esun ku ménos bo ta spera.

ASOTEKO desapuntá:

NO KONSEHO DI VOTO

KRALENDIJK - ASOTEKO a hasi konosí na komunidat ku nan no ta duna konseho di voto pa niun partido polítiko. Básikamente e grupo aki no tin konfiansa den niun partido. Es mas, ta perhudiká nan i niun partido ta hasi algu konkreto pa remediá e situashon. Nan a manda e siguiente komunikado pa pone komunidat na haltura.

AOSTEKO ta hopi desapuntá. A papia ku diferente partido, pero niun no ta tuma un posishon kla. Lo mínimo ku polítikonan por a hasi ta pa sigurá ASOTEKO ku e hendenan riba Lista di Espera lo haña nan tereno a base di e reglanan aktual. Anto dentro di un aña. Pero nada di esei. Palabra so, nada konkreto. Politikeria manera semper.

Pues nos no por ferwagt NADA di e elekshon aki. Ta Korte so por skapa e +/- 1.500 persona riba Lista di Espera pa haña tereno. ASOTEKO lo apelá e kaso y lo no duna konseho di voto pa niun partido. Kisas votadónan por konsiderá pa vota pa un partido radikal e biaha aki. No pasobra bo ta di akuerdo ku tur nan punto, pero djis komo protesta.

Ounke nos no ta duna niun konseho di voto pa niun partido, nos lo no ta sinsero si nos keda sin menshoná diputado James Kroon di UPB. E tabata e úniko polítiko ku a toma kontakto ku nos. Nos a akordá un teksto kuné di un Akuerdo Amikal pa terminá e kaso ku ASOTEKO a lanta. Dip. Kroon a lanta un ekspektativa grandi bou di miembronan di ASOTEKO

y tur esnan riba Lista di Espera. Pero UPB y dip. Kroon no a kumpli. Tur hende saka su propio sòm.

Por lesa e Konsepto di e Akuerdo aki: https://www.arcoarib.com/as-sets/uploads/court_cases/ASOTEKO_Tekst_Schikking_tweede_versie.pdf

Kòrda bon, e no a keda firmá y ta p'esei ASOTEKO lo apelá e kaso.

For di e kombersashonnan ku e polítikonan ku nos a papia kuné (di UPB, MPB, M21 y PDB) nos ta saka e konklushon ku tur partido a disidí kaba pa bai pa kambionan drástiko di e Maneho di Tereno. Segun nos a saka afó, e sistema aktual di duna tereno pa hende konstruí nan propio kas riba dje, lo wòrdu di skrap kompletamente. En bes di esei, lo bo tin ku KUM-PRA tereno den futuro pa un preis di alrededor di \$ 20.000.- plùs gastu pa midi tereno, gastu pa notario y leges. Y kisas riba dje tambe pa gastu di haña awa, lus y internèt te na bo kas, un otro \$ 5,000.-.

Dor ku e polítikonan no a papia palabra kla, nos no por tin sigur over di esaki. Pero esei ta e impreshon fuerte ku nos a haña. Ku otro palabra, den futuro hende pover lo no haña un tereno 'grátis' di gobièrnu mas pa traha nan propio kas riba dje manera ántes.

Ban wak si ASOTEKO lo haña rason. ASOTEKO lo pidi Korte Superior pa sikiera respetá e hendenan ku a pidi tereno kaba. Es desir, pa sikiera nan lo haña un tereno 'gratis' basá riba e sistema di ántes (ta paga

pa notario, leges y pa midi tereno so). ASOTEKO no por pidi Korte nada mas, pasobra na final di kuenta nos ta biba den un de-

mokrasia. Pueblo ta haña loke nan a vota pe. Si pueblo no ta vota konsiente, ta un gobièrnu inkonsiente nos ta haña.

Adaptashon di preis pa produktonan di kombustibel

KRALENDIJK - Entrante 10 di febrüari 2023 a adaptá preis di benta pa kombustibel. Den e adaptashon di preis akí a apliká e instrukshonnan di e Dekreto temporal di 25 di mart 2022 relashoná ku redukshon di akseins Hulanda Karibense 2022, nr. 2022-104414 (Staatscourante Nr. 8683 di 28 di mart 2022), huntu ku e Lei di 21 di desèmber 2022 pa kambio di algun lei di impuesto i algun otro lei

(Belastingplan 2023) (Staatsblad 532). Te 1 di april 2022 e tarifa di akseins pa gasolin (MOGAS95) tabata USD 31,86 sèn pa hèktoliter. Konforme e instrukshonnan menshoná akí riba e tarifa di akseins pa gasolin (MOGAS95) ta USD 15,86 sèn pa hèktoliter pa e periodo di 1 di april 2022 te ku 30 di yùni 2023. Ku bista riba e informashon akí riba Kolegio Ehekutivo ta anunsiá e siguiente preisnan pa kombustibel:



ENTIDAD PÚBLIKO
BONEIRU



PARTISIPASHON

Preis pa produktonan di kombustibel entrante 10 di febrüari 2023:

Preis por mayor:

Mogas 95	127.95	USDct pa liter
Kerosine	125.00	USDct pa liter
Gasòil	112.84	USDct pa liter
LPG 100 lbs	51.01	USD pa silinder
LPG 20 lbs	10.56	USD pa silinder

Preis por detayista:

Mogas 95	135.00	USDct pa liter
Kerosine	128.00	USDct pa liter
Gasòil	117.00	USDct pa liter
LPG 100 lbs	57.13	USD pa silinder
LPG 20 lbs	12.07	USD pa silinder

Gezaghebber,
E.E. Rijna

Sekretario Insular,
W. Pelk



ENTIDAT PÚBLIKO
BONEIRU



PARTISIPASHON

ORDENANSA INSULAR MANEHO DI NATURALES A BONEIRU

Kolegio Ehekutivo di Boneiru ta partisipá ku ta pone e siguiente petishonnan pa pèmit na disposishon pa tur hende mira durante dieskuater dia:

- Dispensashon na benefisio di trámitenan den parke di naturalesa di parti di KITLV i Universitat Utrecht
- Dispensashon na benefisio di trámitenan den parke di naturalesa di parti di Suyen Koffy
- Dispensashon na benefisio di trámitenan den parke di naturalesa di parti di Wageningen Marine Research (WMR)
- Dispensashon na benefisio di trámitenan den parke di naturalesa di parti di Universitat Wageningen
- Dispensashon na benefisio di trámitenan den parke di naturalesa di parti di Habitat and Benthic Biodiversity Lab in the Red Sea Research Center, King Abdullah University of Science and Technology (KAUST)
- Dispensashon na benefisio di trámitenan den parke di naturalesa di parti di Touch the Sea
- Pèmit pa kap palu i kadushi di parti di H. Oduber Holding N.V.
- Pèmit pa konstrukshon di waf i semehante di parti di Chogogo Bonaire OG B.V.
- Realisashon di trámitenan komersial den parke di naturalesa di parti di Entidat Públiko Boneiru, direktorado di Komunitat i Kuido, sup-departamento Indebon
- Realisashon di trámitenan komersial den parke di naturalesa di parti di Wanderlust Diving Bonaire
- Realisashon di trámitenan komersial den parke di naturalesa di parti di Rancho Washikemba
- Realisashon di trámitenan komersial den parke di naturalesa di parti di MarLuz Bonaire
- Realisashon di trámitenan komersial den parke di naturalesa di parti di Palm Boats BV
- Realisashon di trámitenan komersial den parke di naturalesa di parti di Lora BV
- Realisashon di trámitenan komersial den parke di naturalesa di parti di Donna Boat BV
- Realisashon di trámitenan komersial den parke di naturalesa di parti di DroDudo Bonaire BV
- Realisashon di trámitenan komersial den parke di naturalesa di parti di J2S BV
- Realisashon di trámitenan komersial den parke di naturalesa di parti di Ooms Bonaire BV
- Realisashon di trámitenan komersial den parke di naturalesa di parti di SAM. Bonaire BV
- Realisashon di trámitenan komersial den parke di naturalesa di parti di Procenter Bonaire
- Realisashon di trámitenan komersial den parke di naturalesa di parti di Island Rentals NV
- Realisashon di trámitenan komersial den parke di naturalesa di parti di BerBou BV
- Realisashon di trámitenan komersial den parke di naturalesa di parti di Piere Henrie BV

Disponibel pa tur hende mira

E petishonnan pa pèmit a base di e Ordenansa Insular maneho di naturalesa Boneiru di akuerdo ku artíkulo 19, insiso 3 te ku 5 ta disponibel pa tur hende mira for di 13 di febrüari te 27 di febrüari. Pa mira e petishonnan pa pèmit bo por mèldu na ofisina di Direktorado di Planifikashon i Desaroyo na Kaya Amsterdam 23 na Boneiru. Orario: di djaluna te ku djabièrnè entre 09.00 i 11.00 'or.

Prosedura

Durante e término ariba menshoná ku nan ta disponibel pa mira tur hende por tuma nota di e petishonnan pa pèmit. Solamente interesadonan por entregá opheshon por eskrito dentro di e término aki. Un interesado ta un persona natural òf un persona huridiko ku ta keda direktamente afektá den su interes. Por entrega opheshon na:

Kolegio Ehekutivo di Boneiru,
Kaya Grandi 51, Kralendijk, Boneiru.

Gezaghebber,
E.E. Rijna

Sekretario Insular,
W. Pelk

Tayer grátis tokante petishon pa proyekto serka Union Oropo

KRALENDIJK – Riba djárasen 15 di febrüari, International Desk Bonaire, ku ta forma parti di gabinete di gezaghebber, ta organisá un tayer grátis tokante kon pa hasi petishon pa proyektonan serka Union Oropo (EU). Personanan interesá ta kordialmente bonbiní di 10or di mainta te 12or di mèrdia na Captain Don's Habitat. Un di e tareanan di International Desk ta, pa pèrkurá pa habitantenan di Boneiru risibí mas informashon i mas fá-

sil, kon eventualmente nan por pidi fondo serka EU. E tayer aki ta destiná pa tantu fundashon- komo kompanianan ku tin intenshon di bai hasi mas ku fondonan oropeo. Un eksperto riba tereno di skirbimentu di petishon pa EU lo duna un presentashon di lokual entre otro mester tene kuenta kuné ora ta skirbi un proposishon di proyekto. Ademas e tim di International Desk lo demostrá kua ta e programanan ku tin na disposishon di Boneiru.



Konseho Insular i Kolegio Elektoral

Kampaña di informashon pa elekshon a kuminsá

KRALENDIJK-- E siman benidero kampaña di informashon pa elekshon di Konseho Insular i Kolegio Elektoral ta kuminsá. E elekshonnan a ta tuma lugá 15 di mart próksimo. Den e kampañanan pa e elekshonnan di Konseho Insular ku e lema 'Bo ke nos isla sigui floresé?' i Kolegio Elektoral ku e lema 'Kada voto a konta' ta usa henter e proseso di elekshon. Riba e wèpsait di Rijksdienst Caribisch Nederland por haña informashon tokante e elekshonnan i kon tur kos ta funshoná, por ehèmpel na momento ku un persona por vota, kiko un persona mester tin pa e por vota, kiko ta un tarheta di identifikashon bálido, kon un votadó por outorisá un persona pa por vota pe, kiko un persona ku no a risibí karchi di vota mester hasi, kumpra

òf bende voto ta kastigabel. Tambe riba e wèpsait por tuma nota unda e sitionan pa vota na Boneiru, Saba i Sint Eustatius ta situá. Ta duna informashonnan rondó di elekshonnan via di facebook, korant lokal, radio i TV. Tambe abitantenan di Hulanda Karibense lo risibí un foyeto ku informashon na kas.

Pa mas informashon por subi wèpsait www.rijksdienstcn.com/eilandsraad-verkiezingen

www.rijksdienstcn.com/kiescollege2023 Facebook: Kiescolleges 2023 Island Council Elections RCN na enkargo di Ministerio di Asuntunan Interno i Relashon den Reino ta responsabel pa e kampaña di informashon anto di e forma aki ke informá i stimulá e votadó pa hasi bon uso di su derecho di voto riba 15 di mart.

KPCN ta alertá:

Ban selebrá karnaval 2023 na un manera seif i responsabel

K R A L E N D I J K - Despues di 2 aña nos ta bai selebrá karnaval atrobe. Ta un temporada di fiesta i goso. A resultá ku e ora ei sa pèrdè e reglanan vigente i responsabilidadat pa ku nos mes i nos próhimo for di

bista. Pero esaki no ta nifiká ku e reglanan ta ménos vigente. P'esei den e temporada benidero, KPCN lo intensivá e kòntrolnan di tráfiko na sitionan stratégiko i ku ta hopi bishitá. Den kaso ku no kumpli ku regla-

nan di tráfiko lo atendé ku e shofùr di forma estrikto. Ta importante pa tur hende tene nan mes na e reglanan vigente di tráfiko pa asina alsa siguridat den tráfiko. Pasobra tráfiko sigur no ta solamente un asunto di po-

lis pero di shofùrnán di vehíkulonán motorisá tambe. Outomobilistanan i otronan mester ta konsiente ku: ta nan propio responsabilidadat pa usa faha di seguridat, di e peliger di papia i manda mensahe na telefòn ora ta stür, di e peliger di uso di alkohòl ora ku ta stür i kon pa kore ku mucha den outo na un manera responsabel (por ehèmpel no sintá dilanti den outo, sino den un stul pa mucha patras den outo, etcetera).

KPCN ke enfatisá ku ta esensial tambe pa nos sòru bon pa nos mes i nos yunan durante di karnaval. Por ehèmpel pa paga bon tinu riba bo yunan, uza dòpi di orea pa nan kontra di e muzik duru i siñ'é ken ta e persona konserní pa yud'é

(polis) i kiko e mester bisa si e pèrdè. Pero tambe dor di bebe di manera responsabel i uza kùpnan re-usabel pa ko'i bebe na lugá di glas òf bòter, asina bo ta preveni situashonnan peligroso. Si bo ta bebe, no stür. Mirando ku durante di karnaval lo bo ta oranan largu for di kas ta deseabel pa sera bo kas bon i sòru pa e tin suficiente iluminashon ora bo sali. Stashoná bo outo na un lugá seif, pero no tras di barikada i no laga kos balioso den outo. Pa finalisá polis ta hasi un yamada na un i tur pa duna oido na eventual òrdu di polis. Asina nos por selebrá un karnaval seif i responsabel. Kuerpo Polisial Hulanda Karibense ta deseá un i tur un felis Karnaval



BEKENDMAKING

ONDERWERP

Entidat Públiko Boneiru ta partisipá ku relashoná ku e marcha di karnaval 'Marcha Hubenil' na Playa, diferente kaya lo ta será pa tur tráfiko.

Dia 12 di febrüari 2023 e siguiente kayanan ta será:

- Kaya Nikiboko Zuid: Rotonde Kaya Andres A. Emerenciana tot rotonde Soernan di Roosendal;
- Kaya Libertador Simon Bolivar: van Kaya Lodewijk D. Gerharts tot Kaya Gilberto (Betico) F. Croes;
- Kaya Gilberto (Betico) F. Croes: van Bulevar Julio A. Abraham tot Rotonde Sabana.

Fecha: 12 di febrüari 2023
Ora: 15:00 or te 18:00 or

Ta trata di un seramentu temporal di kaya. Bo por alkansá e área ku ta será na pia. Stashoná bo outo pafó di e áreanan ku ta será i no dilanti di e barikadanan.

Danki pa e kompreshon.

Programanan di Bonaire.tv			
TELBO kanal 70			
Flamingo TV kanal 23			
Djasabra 11 febrüari 2023		Djadumingu 12 febrüari 2023	
12.00 Herensia:	Rinald Daniel	12.00 Herensia:	Irene Imelda
13.00 Aki Boneiru:	Norbet Tademan	13.00 Aki Korsou:	Arion Vlijtig
14.00 Herensia:	Eduardo Dominico Esteban (Eddy) Rijna	Katedral di sumpinja	
15.00 BAPA:	Raphael Benito Rodriguez	Pader Lampe	
16.00 Herensia:	Eddy Rijna	15.30 Puerto Latino:	Luis Zárraga
17.00 Aki Statia:	Pastor Virgilio Solano - Valle de Bendicion 10-10-10	16.00 Herensia:	Rinald Daniel
17.30 Dokumental:	Nela Martis	17.00 Aki Boneiru:	Norbet Tademan
19.00 BAPA:		18.00 Herensia:	Eduardo Dominico Esteban (Eddy) Rijna
20.00 Aktualidat:	Robby Beukenboom	19.00 BAPA:	Raphael Benito Rodriguez
21.00 Aki Boneiru:	Bustu di 'Heilig Hart van Jesus'	20.00 Herensia:	Eddy Rijna
22.00 Herensia:	Jeanette Kroes	21.00 Aki Statia:	Pastor Virgilio Solano - Valle de Bendicion 10-10-10
23.00 BAPA:	Genevieve Gougou	21.30 Dokumental:	Nela Martis
23.00 BAPA:		23.00 BAPA:	Nela Martis

Tur mèrdia 12'or ta kuminsá un programashon nobo di 4 ora. E programashon aki ta ripití pa 24:00.



TUMA DESISHON

"Mi a wòrdu krusifiká ku Cristo; i no ta ami ta biba mas, ma Cristo ta biba den mi; i e bida ku mi ta biba awor den karni, mi ta biba pa medio di fe den e Yu di Dios, Kende a stimami, i a entregá Su mes pa mi." Galationan 2:20(BS)

E desishon ku bo a tuma pa sigui Kristu no tin nada di aber ku e situashon ku bo ta pasando aden. Bo situashon por laga bo sinti ku bo ta derotá, ku bo no ta sirbi mas, ku otro persona ta mira bo komo un hende ku a frakasá. Awe mi tin un bon notisia pa bo! Sabi ku bo viktoria ta den Kristu pasó abo a disidí di sigui Kristu.

Situashonnan rondó di bo no tin nada di aber ku lokual bo ta sinti. Bo sintimentu por hinka bo den un kaminda ku bo no por tuma desishon mas. Ta p'esei e desishon ku bo mester tuma awe ta pa sigui Kristu apesar di tur kos. Hopi 'heavy' ta pa sigui Kristu. Bida kristian no ta laf, si e tabata laf lo bo no por ta lesando e teksto akí, pasó un ku a disidí di sigui Kristu ta animando bo awor aki mes.

Sigui Kristu ta nifiká studia Su Palabra i para pa lokual ku bo sa di djE, no ta tur kos bo sa di Kristu, pero lokual ku bo sa, praktiká nan tur dia di nobo den AMOR.

Tuma Desishon awe pa sigui Kristu, lo bo keda maraviá! Jonathan Pourier

produkshon PGM

SOLUSHONNAN ESTATAL NOBO 20

NOS MANEHO MONETARIO Di Bèrdat nos Mester di un Banko Sentral?

Ki lès nos por siña for di e kambio na dòler ku Boneiru a hasi na 2010? Wèl, e promé lès tabata esaki. Ora bo ta kambia bo moneda, preis ta subi. Dia a introdusí dòler, florin simplemente a bira dòler. Si ántes bo tabata paga dos florin pa un kipashi, awor bo mester a paga dos dòler.

Bon, esaki no ta kompletamente bèrdat, pero asina nos a sinti'é. Preisnan a subi hopi, loke a duna hende e idea ku e tabata asina. E tasa di kambio a ser fihá na 1.75; pues tur preis na florin mester a wòrdu multipliká ku 1/1.75 pa kalkulá e preis na dòler. Por ehèmpel: Naf. 100.- x 1/1.75 =

\$ 57.14. Pero kiko hopi komersiantenan a hasi? Nan a rònt af te \$ 60.- of hasta \$ 75.-. Ken sa? E preisnan nobo na dòler tabata sky-high. Solamente sierto preisnan fiho, manera hür, a keda igual (pero na dòler).

Na Hulanda hende a sinti meskos tempu ku Euro a remplasá e florin Hulandes. Einan e no tabata kompletamente bèrdat tampoko, pero pa kualkier persona bibando na Hulanda e tabata parse bèrdat sí.

Pa ta korto, e lès ta: pueblo ta haña

sla ora ta kambia di moneda. Teórika-mente e no ta asina, pero den práktika e ta.

Mester saka e konklushon for di esaki ku Aruba y Curaçao mester keda ku nan propio moneda numa? Nos ta kere ku e kontesta ta: 'Nò'. Pero nos no ta gaña pueblo. Un kambio di moneda ta hasi doló.

Pero e pregunta ta si e doló ta keda? Kisas e ganashi ta bin despues di tempu? Nos ta kere ku asina e ta. E kambio na dòler plùs e integrashon den Hulanda a atraé hopi invershon na Boneiru. Esaki a habri hopi oportunidatnan nobo pa Bonerianonan. Bèrdat ta ku te ainda no tur hende a hasi uso di e oportunidatnan nobo aki, pero nan t'ei sí.

Pa hasi bon uso di nan, nos mester adaptá. Boneiru no mester pèrdè su virtud di humildat (e ta den nos himno: 'Pueblo humilde, semper kontentu, di un kondukta tur parti gabá'). Pero nos mester siña ser mas asertivo. Hasi uso di e oportunidatnan sin bira arogante, vanidoso y hipókrita.

Nos por hasi'é? Sí, nos por!

Preparando pa e transishon di 10-10-10, otro alternativa pa e moneda a ser konsiderá. Boneiru por a skohe pa sirkulá su propio moneda, mará na dòler a base di mesun tasa di kambio ke e florin Antiano. E opshon no a ser tumá na serio. Kon nos lo yam'é? E 'Bèh'? A rechas'é mesora.

Despues a konsiderá e Euro. Esei a keda rechasá, pasobra ekspertonan Hulandes a konsehá nos ku lo ta mihó adaptá na nos region, kaminda dòler ta dominá y Euro ta skars. Boneiru lo ta mas atraktivo pa estranheronan (turista), si nos ta usa dòler en bes di Euro.

A akseptá e konseho ei, pasobra nos a realisá tambe ku si dòler no sali bon, e opshon pa kambia pa Euro ta keda habrí anyhow.

Sin embargo, nos ta kere ku en general, dòler a sali benefisioso.

Ta p'esei nos ta sugirí pa Aruba y Kòrsou tambe adoptá e dòler. Paso-bra gobièrnunan tin un obligashon pa ekonomisá tur kaminda ku ta faktibel. Te asina leu ku nos sa, Boneiru no ta paga niun depchi pa usa dòler. Nos no tin ku paga pa niun Banko Sentral

tampoko. Dikon sigui paga pa kosnan luhoso, si bo por biba bon sin nan?

Pues e pregunta klave ta, si realmente nos mester di un Banko Sentral?

E moneda di tantu Aruba (florin Rubiano) komo di Kòrsou/SXM (florin Antiano) ta mará na e dòler Merikano a base di un tasa di kambio fiho for di aña 1971. Pues den sierto sentido nan ta dòler kaba.

Sin duda e Bankonan Sentral di Aruba y Kòrsou ta ehersé otro funshon tambe, manera supervishon di bankonan, institushonnan finansiero y kompanianan di seguro. Tambe kontrolá e kantidat di aktivonan líkido y fiha e tasa di deskuento. Nos no tin sufisiente konosementu di e materia aki pa konsehá si nos mester di un Banko Sentral, sí of nò.

Pero a base di e eksperensia di Boneiru, nos ta kere ku ta bale la pena pa hasi un estudio over di esaki. Si ta sali ku e balor agregá ta insignifikante of hasta negativo, anto si ta spar hopi sèn si ta sera of fusioná e Bankonan Sentral aki, e no ta prudente pa mantené nan of nenga di fusioná nan.



BEKENDMAKING

ONDERWERP

Entidat Públiko Boneiru ta partisipá ku relashoná ku e marcha di karnaval 'Marcha Hubenil' na Rincon, diferente kaya lo ta será pa tur tráfiiko.

Dia 11 di febrüari 2023 e siguiente kayanan ta será:

- Bulevar Miguel A. Pourier: van Begonia tot Kaya Commerce;
- Kaya Commerce: van Bulevar Miguel A. Pourier tot Kaya Encarnacion B. Sint Jago
- Kaya Encarnacion B. Sint Jago: van Kaya Leucadio M. Pourier tot Kaya Commerce.
- Kaya Leucadio M. Pourier: van kaya Encarnacion B Sint Jago tot bulevar Miguel A. Pourier.
- Kaya Hubentud: van Bulevar Miguel A. Pourier tot Kaya Luis Pourier.
- Kaya Luis pourier: Kaya Lourdes tot Kaya Bototé.
- Kaya Bototé: van Kaya Luis Pourier tot Stadion Antonio Trinidad (Kaya Ramon B. Goeloe).

Fecha: 11 di febrüari 2023
Ora: 15:00 or tot 18:00 or

Ta trata di un seramentu temporal di kaya. Bo por alkansá e área ku ta será na pia. Stashoná bo outo pafó di e áreanan ku ta será i no dilanti di e barikadanan.

Danki pa e kompreshon.

Marcha Karnaval Hubenil

Rincon

15/Feb/2020

Salida: 15:00 - 18:00

Grupo na mester tei 2 ora prome.

Salida na **Veld Bala** na entrada di Rincon

Kaya Rincon

drenta **Kaya Commerce**

Kaya E.B. Sint Jago

Kaya Leucadio Marino Pourier

Kaya Hubentut

Kaya Luis Pourier

Finalisa Stadion Rincon **Kaya Botote**

Kruseronan di bishita serka nos

E dianan aki kasi tur dia tin barku di turista, krusero, di bishita den haf di Kralendijk. Pero nos no sa masha di nan. Nos ta mira nan komo djis un barku di turista mas. Pero nan tin nan historia. Den un seri di artikulo **BONERIANO** ta dediká atenshon na e barkunan aki. Añanan pasá tambe a hasi esaki den Extra, pero tabata otro tempu i otro barku.

Marella Explorer 2

E barku krusero Mariella Explorer 2 a kuminsá su bida na 1995 komo Celebrity Century i a dreña un dòk seku pa sinku siman na aprel 2006 pa renobashon. Diseña pa inkorporá un variedat di

atributo di e klase Millennium di Celebrity. E revitalisashon di Century tabata e remodelashon mas amplio di e liña te na e fecha ei. Ademas e tabata e modifikashon di krusero mas grandi komplementá pa e waf

di Palermo, Italia, Fincantieri. Na fin di desèmber 2013, tabatin rumor ku lo a transferí e barku pa CDF Croisières de France na 2015. Celebrity Cruises a sigui nenga e rumornan te



13 di febrüari 2014, ora nan a anunsiá ofisialmente su salida for di e flota na aprel 2015.

For di mart 2014 te ku aprel 2015, Celebrity Century a bishitá 77 haf den 32 pais, e kantidat di destinashon mas grandi di kualke barku den e flota di Celebrity. E liña a selebrá e temporada final aki ku diferente evento spesial, inkluyendo un krusero presidencial di 14 anochi pa Asia ku na bordo presidente i CEO di Celebrity, Michael Bayley.

Dia 2 di sèptèmber 2014 a anunsiá ku SkySea Cruises, un joint venture entre Ctrip i Royal Caribbean, lo a kumpra e barku i kuminsá operá despues di aprel 2015.

Marella a hasi un bon trabou transformando e barku i a hasié (kasi) nobo. E puntonan di atenshon ta inklui un grandioso Champneys Spa i e restaurant nobo italiano Nonna's i Flutes Champagne bar.

Na aprel 2019, Marella Cruises a presentá su pro-

mé barku pa adulto so, ku ta Marella Explorer 2 ku por karga 1.814 pasahero. Eliminando áreanan ku anteriormente tabata dediká na famia. A krea mas espasio dirigí direktamente riba adulto, ku un total di 19 bar i restaurant na bordo, inkluyendo kuater lugá nobo riba e liña di barku.



Pasaheronan no ta usa e programashon di barku durante dia, nan ta preferá di rilèks kant'i pisina. Komo resultado, no tin hopi área riba e barku durante dia. E dèk di pisina ta esun mas okupá durante dia.

Riba 25 di mart 2020, kuater miembro di tripulashon a tèst positivo pa COVID-19 i a keda pará na Barbados. Na 30 di mart, e barku tabata nabegando riba kosta di Yucatán ku plannan pa dòk na Progreso, Yucatán. Riba 3 di aprel, un pasahero britániko a muri pa motibu di e malesa aki, miéntras ku su esposa tambe a infektá. Riba 19 di aprel, 2 di e 19 tripulantenan ha- maikino, dos di nan a resultá positivo.

MONCHI & TONCHI

Tonchi, awe ta sabat nos no ta papia!

Awèl sí.



KOLOFÓN

Editor: Bonaire Communication Services N.V.
Kaya Irlanda 12,
Tel. 717-8482

Redakshon: extrabon@gmail.com
avisobon@gmail.com
Wèpsait: www.extraboneiru.com
Facebook: Extra Boneiru

Direktor
Shirley Martis
785-3824
796-3824

Partner na Aruba
Awe Mainta
Partner na Kòrsou
Extra
Partner na Boneiru
Live99

Redakshon
Papi Antoin
Nathaly
Evertsz-Ipcendencia
Davienuska Janga
Velli Gijsbertha
Edson Pietersz
Ibi Piar (deporte)

Layout
Davienuska Janga
Maya Beaumont

Konsehero:
Bòl Antoin
786-6818
Aviso
avisobon@gmail.com

E AFÈR DI LD GERHARTS

Outor Rene Roders



18

Na mas ku un okashon kasonan di inmoralidat seksual a aparesé den arena polítiko boneriano. E dos proménan tabata den dékada sinkuenta di siglo pasá. Den promé mitar di dékada sesenta tambe tabatin un kaso asina. Broertje Janga tabata e víktima. Den un seri di artíkulo BONERIANO ta publiká, basá riba un buki ku Rene Roders a skirbi aña pasá.

'Smoking gun'

Mi ta yegando na fin di mi investigashon. Mi no a topa ku un 'smoking gun', esta un arma di kandela humando, pero sí mi a haña diferente indikashon i a hasi vários deskubrimentu. Mi ta bai pone nan riba un rei.

1. No nobo, pero sí esensial: e relashon Abraham – LD den e promé mitar di añanan sinkuenta ta bira hopi malu, meskos ku e klima polítiko. Desde 1956 LD ta kuminsá lansa atake fuerte i frekuentemente kontra diputadonan Julio Abraham i Shon Chechi Hellmund-Boom di Demokrat pa motibu di nan maneho. Abraham no ta logra dominá su frustrashon. Desde esaki e relashon entre nan dos ta asina ruina ku práktikamente lur kos ta sosodé via liñanan polítiko.

2. Nobo ta di nota ku e ola di kasonan pedoseksual ta kuminsá na Rincon. Ta tuma lugá aresto, apsolushon i kondenananan den korte den seno di simpatisadónan di PDB di Abraham. For di e posishon fastioso aki Abraham i su partido

ta skohe pa un atake agresivo.

3. Nobo tambe ta e informashon ku na 1952, 1955 i 1956 ta realisá respektivamente 2, 7 i 46 aresto den e kasonan di inmoralidat aki. E agentenan polisial Wassink i Pietersz ta traha sentenáres di ora di overtaim, no opstante ku nan ta haña diferente òrdu pa stòp ku esaki.

4. LD ta vulnerabel pa motibu ku despues di su divorsio na 1940 e no ta kasa mas i ta mantené un bon relashon ku frateranan di Tilburg na Boneiru. Ademas rumornan ta sirkulá na Boneiru ku e ta homoseksual. Mientrastantu nos sa ku homoseksualidat i pedoseksualidat no tin nada di aber ku otro, pero e tempu ei tabata tira tur riba un bulto.

5. Sigur nobo tambe ta ku a konstatá ku e agentenan polisial enkargá ku investigashon den e kaso aki a traha prosèsverbalnan ku no ta íntegro. Wassink ta hasi sèks ku un sospechoso femenino será preventivamente, sospechá di homisidio. E ta dispuesto di kam-

bia prosèsverbal na su mes idea i Pietersz ta abiertamente sobornabel. E duo aki ta operá na Boneiru ku un kombinashon di karakterístika malu.

6. Pa medio di intimidashon i violencia físiko nan ta fòrsa pa saka deklarashon fo'i tantu menornan di edat komo adulto. Pietersz ta kompañero di partido di Julio Abraham.

7. Tantu Wassink komo Pietersz tin interes pa silensia LD Gerharts, pasobra e tin planeá pa pidi gobièrnu hasi un investigashon di e práktika di trabou ku a apliká den investigashon di e kaso di inmoralidat.

8. Nobo ta e echo ku minister Vermeer ta inkonfiabel, impre-disibel i arogante. E ta kambia opinion lihé, fá-sil i sin base tokante e kalidat di polis en general i un agente polisial en partikular, ta aseptá sin mas e atendementu di keho i tin un no-shon fleksibel tokante e konsepto di igualdat di derecho. Esaki ta bai asina leu ku e ku saka un periodista for di Kòrsou pasobra su publikashonnan no ta na su agrado. E ta miembro di Partido Demokrat di Kòrsou i posiblemente tin algu di regla ku LD relashoná ku esaki su reakshon krítiko riba su

diskurso durante RTC na 1948. Reakshon di Vermeer tokante poblashon di Boneiru no ta digno di un minister.

9. Ta resultá ku tin un relato di un investigashon ku un sikiatra a hasi serka LD. Komo un dje proménan mi por tira bista den esaki i ta konstatá ku e sikiatra no ta mira indikashon ku ta mustra den direkshon di homoseksualidat.

11. Korte den Promé instansia ta rechasá tres di e sinku akusashonnan, pa motibu di menornan ku durante tratamentu di e kaso a kambia nan deklarashon i un alibi di LD mes. E informashon aki ta nobo.

12. Nobo tambe ta ku dos menor di edat no ta presente i pa e rason aki no por skucha nan. Nan no por kambia òf hala nan deklarashon aden, manera e dos otronan sí a hasi. E dos funshonarionan polisial, bou di hura-mentu ta mantené nan deklarashonnan.

13. Nobo tambe ta e deskubrimentu tokante hues Roose, ku ta dikta sentensia den promé instansia, i ta tambe un dje tres huesnan ku ta trata e kaso den apelashon serka Hof.

14. Abraham i òf su siguidónan i e dos funshonarionan polisial, tin motibu, okashon i medio na nan disposishon pa likidá Gerharts.

15. Nobo ta finalmente deskubrimentu di e deseo di Abraham pa skapa definitivamente di LD pa medio di su deportashon.

Konklushon

Basá riba e resultadonan di mi investigashon mi ta den posishon pa formulá mi konklushon tokante e kaso aki.

Mi no a haña prueba pa e ponensia ku e kaso kontra LD tabata un opstrukshon polítiko i polisial pa likidá. E chèns pa esaki tabata naturalmente masha chikí tambe despues di mas di 65 aña ku e susesonan aki a tuma lugá.

Mi no mester tene kuenta tampoko di lo a topa ku un pida papel riba kua por a lesa: "Laga nos akusá LD di pedofilia."

I e chèns ku un testigu ainda lo por a deklará ku e kaso tabata un sètòp tabata naturalmente tambe nulo.

Flor i krans pa Jonathan Theodora

K R A L E N D I J K - Miembronan di Kuerpo Polisial Hulanda Karibense, a bai na e sitio kaminda nan kolega Jonathan Theodora, a haña aksidente i a fayesé.

Tambe miembro di famia i konosínan, tabata presente pa pone bela kaminda e aksidente e tuma lugá. Hopi hende a reuní na altura di Parke Tului, pa despues sende bela i pone krans. Kuerpo Polisial Hulanda Karibense, ta rekordá e agente aspirante polisial, Jonathan Theodora, riba djaweps 9 di febrüari, a hañ'e den un aksidente ku a kosta su bida. Esaki a tuma lugá riba Kaya

Grandi, miéntras e tabata ku su motosaikel. Na luna di novèmber 2020, el a kuminsá studia pa bira agente polisial i tabata den preparashon pa kaba e estudio, huntu ku otro studiantenan, 10 di mart 2023.

Den un komunikado, Miembronan di Kuerpo Polisial Hulanda Karibense, ta bisa: "Nos lo keda rekordá Jonathan komo un agente aspirante pa polis motivá, ku semper tabata disponibel pa yuda un otro. Nos lo keda rekordá su entusiasmo i su energia alegre. Nos ta deseá su famia hopi forza ku e pèrdida grandi aki".



Informashon pa enseñansa profeshonal sekundario

KRALENDIJK — Djaweps atardi a tuma lugá e European Cultural Exchange Fair na Jong Bonaire. Ta trata di un aktividad, netamente pa studiantenan ku ta bai studia afó, haña un idea kon e bida ta aya banda, i kiko nan por spera. OCT Youth Network a organisá e aktividad. Alumnonan di enseñansa avansá i enseñansa profeshonal

sekundario (MBO) ku tin intenshon pa despues di optené nan diploma bai sigui studia òf traha den eksterior, esaki ta hopi interesante pa nan. Esaki ta hopi bon, pa e estudiante por ta prepará i no haña sorpresa di loke nan a pensa. Boneriano-nan ku a studia i traha den Union Oropo, òf paisnan i teritorionan di Oropo, a duna informashon durante

e atardi. Nan a papia ku e hóbennan tokante trabou boluntario den eksterior, OCT Youth Network, Studia den eksterior i traha den eksterior.

Hopi mucha a pasa pa tende kiko tur nan por siña di e aktividad. Ta bon pa hóbennan di MBO, na momentu nan finalisá na Boneiru, por sigui studia na Oropa.



Rijksdienst Caribisch Nederland

BO KE NOS ISLA SIGUI FLORESE? Bai Vota!

Elekshon pa Konseho Insular ta tras di porta.

Riba 15 di mart tin elekshon pa Konseho Insular di Boneiru. Bo tin 18 aña òf mas i bo tin derecho di vota? E ora ei bin ku bo karchi di vota i un prueba di identidat. Bo prueba di identidat, no a kaduká mas largu ku 5 aña riba 16 di mart 2023.

Bin vota dia 15 di mart. Dor di vota bo ta kontribuí na futuro di Boneiru.

BO VOTO TA BALIOSO, HASI USO DI DJE

Pa mas informashon wak riba www.rijksdienstcn/eilandsraadverkiezingen òf riba nos página di Facebook Island Council Elections 2023

Elekshon pa Konseho Insular 2023

Jozef Ridderstaat ta restorá transhi

KRALENDIJK — Na Boneiru tin diferente kurá trahá di piedra. Asina tin e kurá di piedra entre Roi Lamunchi i Bakuna, esun di

Parke Washington parti pariba ku ta konektá ku laman na kosta nort i algun otro. E tipo di kurá di piedra presis manera esun yamá transhi

na Aruba ta praktikamente na un lugá bo por hañ'é na Boneiru, esta na kunuku di Jozef Ridderstaat, situá nèt pabou di e seru Angola.

Basta aña pasá Jozef a laga un persona for di Aruba bin traha e transhi aki p'e. Pero atrabes di añanan

tin piedra ta kai i e ta eksigí mantenshon. E dlanan ku a pasa Jozef Ridderstaat a disidí restorá su transhi. E siman aki el a keda kla.



Rishi Silberie den Herensia

KRALENDIJK — Awe djasabra den e segundo programa Herensia di siman Bòi Antoin ta entrevistá un amigu di infansia ku el a lanta konosé den e bario Antriol (nort).

Ta trata di Rignald Daniel Silberie, nasé na luna di mart 1960. E no tin ainda e edat mínimo di 70 aña ku un invitado pa Herensia mester tin, pero semper bai por tin eksepsion riba regla.

Rishi, manera e ta konosí den Antriol, tin pues 62 aña di edat, pero e tin un konosementu grandi di e parti nort di Antriol. Tambe di e área di kunuku di Antriol i Gurubú.

Komo Antoin tambe konosé e áreanan aki i hendenan markante den e besindarionan aki e kombersashon ta kana fásil.

E programa aki ta kuminsá pasa awe djasabra pa 12'or di mèrdia na Bonaire.tv ku vários repetishon na diferente orario.



Mario's Holding B.V.

ta buska pa Restaurant

**1 Stationrotisseur -1 Stationchef -
1 Assistent Manager -2 Bartenders -
1 Kok Entremetier-Saucier - 3 Waiters -
1 Dishwasher and cleaning**

-Mester tin 2 aña di eksperensia

Por manda CV na:

macaroca.madeirarestaurant@gmail.com

òf por yama **717-4688** entre **11:30** pa **3:00** atardi


Rijksdienst Caribisch Nederland

BO TAMBE POR VOTA DIA 15 DI MART?



Elekshon pa kolegio elektoral Boneiru

Bo tin nashonalidat hulandes, bo ta biba na Boneiru i bo tin 18 aña di edat òf mas riba 15 di mart? E ora ei bo tin mag di vota pa kolegio elektoral di Boneiru. Vota riba 15 di mart i yuda disidí ken ta tuma asiento den Eerste Kamer.

Tur voto ta konta

Bo ke sa mas? Bishitá www.rijksdienstcn.com/kiescollege2023

Mas hende ta gosa di Tumba



Gobiernu lo apela sentensia

WILLEMSTAD—Korte den promé instansia a duna sentensia den e kaso sivil ku VPCO a inisiá kontra di Gobièrnu. VPCO a kuminsá e kaso aki na aña 2017 debi ku VPCO ta di opinion ku e finansiamentu no ta sufisiente pa e gastunan real ku VPCO tin pa ofresé enseñansa. Tambe VPCO ta di opinion ku enseñansa públiko tin vários benefisio dor di por probechá di otro fondonan di gobièrnu. Na opinion di VPCO esaki ta un forma di trata desigual.

Korte den promé instansia e disidí den su sentensia provishonal riba 15 di mart 2021 ku no tin trato desigual den sentido ku DOS si ta haña finansiamentu sufisiente pe enseñansa ku e ta ofresé i VPCO no.

Den su sentensia di 6 febrüari ultimo korte den promé instansia a disidí sinembargo ku for di aña 1998 no a indeksá i/ òf adaptá tarifanan i normanan ku ta usa den e método de finansiamentu di enseñansa i ku esaki aparentemente ta e motibu ku

VPCO ta eksperensia un eskases pa ku e gastunan ku nan ta hasi. Gobièrnu no ta di akuerdo ku e desishon i konsiderashonnan aki di korte den promé instansia. Pa e motibu aki gobièrnu lo apelá e sentensia.

Kontrario na loke korte den promé instansia a disidí gobièrnu a presentá por ehèmpel vários dokumento ku ta demostrá ku tabatin adaptashonnan i ku e finansiamentu den tur ámbito a subi ku mas o ménos 40%. Tambe gobièrnu a demostrá kua norma di finansiamentu

no mester keda adaptá òf no ta posibel pa adaptá.

Finansiamentu di enseñansa no por ta a base di gastunan real ku direktivanan di skol ta hasi. Di akuerdo ku nos leinan di enseñansa i Landsverordening Comptabiliteit 2010, Landsverordening financieel beheer i Rijkswet financieel toezicht Curaçao en Sint Maarten esaki no ta posibel ni deseabel. No por obligá gobièrnu hiba un maneho finansiero irresponsabel djis pa kumpli ku deseonan di VPCO. Gobièrnu

na promé lugá mester sòru pa un diseño di finansa públiko prudente i un repartishon hustu di e rekursonan skars.

Djabièrnè 17 di febrüari 2023 hues atministrativo (“LAR rechter”) lo trata seis (!) kaso ku VPCO a kuminsá kontra di Minister di Enseñansa, Siensia, Kultura & Deporte. E hues atministrativo (“LAR rechter”) mester bai evaluá independiente di e sentensia den e kaso sivil si e finansiamentu ku VPCO ta risibí ta conforme lei òf no.

A firma akuerdo pa yerba artifizial

Stadion Boka Samí na turno

WILLEMSTAD—Resientemente Promé Minister Gilmar Pisas tabata na Boka Samí. Esaki den kuadro di firmamentu pa e

trayekto di yerba artifizial na stadion di e bario. Tambe tabata presente minister di enseñansa i deporte sr Van Heydoorn.

Ku e firmamentu porfin stadion di Boka Samí lo dispone di yerba pa por kontinuá ku weganan di futbòl.



A proponé Venezuela fecha pa reapertura

WILLEMSTAD—Durante di e reunion di Konseho di Minister dia 8 di febrüari, Gobièrnu di Kòrsou a tuma desishon pa proponé Venezuela un fecha pa habri frontera entre Venezuela i Kòrsou. Konseho di Minister a tuma e desishon pa proponé Venezuela pa e re-apertura di frontera pa ku e parti marítimo i esun aéreo tuma

lugá djaluna dia 3 di april 2023.

Den e próksimo periodo lo finalisá huntu ku Venezuela e último detaye i kondishonnan pa por yega na e reapertura di frontera dia 3 di april 2023. Gobièrnu di Kòrsou ta keda pendiente pa Venezuela bai di akuerdo ku e fecha ku Gobièrnu di Kòrsou a proponé.

Kaso di tiramentu ku herido

WILLEMSTAD—Sentral di Polis riba djáron 8 di febrüari a risibí informashon di un kaso di tiramentu ku a tuma lugá den área di Marichi.

Unidat polisial na su yegada a bin enkontrá un hòmbler ku herida di bala na su lomba i brasa. A pidi ambulans pa presentá den e sitio ku a transportá e vík-

tima pa Sala di Emergencia di C.M.C.

Kousa di e tiramentu te ainda no ta konosí pero investigashon den e kaso aki ta kontinuá.

Homber burachi a resulta di ta ilegal

ORANJESTAD -- Di aranson ultimo den oranan di marduga, rond di 2.30, a pidi presencia di polis banda di un station di pomp di gasolin na Tanki Leendert pa un persona sospechoso. E informe cu Polis a haya

ta cu e persona aki ta bisti cu un T-shirt cora.

A topa cu e homber aki banda di un fastfood restaurant. A constata cu e homber no sa nada di papiamento y tabata combersa den Spaño. Pero e no por a para bon

riba su pianan, ta hole hopi na alcohol, wowonan cora y tabata papia hopi bruha.

Nan a logra saca su number for di dje y cu e ta naci na Colombia. Pero e no tabatin ningun sorto di identificacion cu ne pa por

verifica si enberdad e ta e persona cu el a bisa cu e ta. Despues el a bisa nan cu e no tin un status legal na Aruba y tin seis luna caba aki sin e permisonan necesario. El a yega Aruba, cu avion, pa tres dia y a keda

te cu diaranson ey ta cana rond. A base di loke el a conta e Polisnan, a detene pa violacion di ley di admission y expulsion. A informa centrale post y a hib'e Warda Nos Costa pa controla su status legal.

Patrick Tromp te prome empleado di luna pa 2023 na HOH

ORANJESTAD -- Tur luna Horacio Oduber Hospital (HOH) ta elogia un colega cu di un forma of otro ta destaca y e prome luna di 2023 a toca turno na Patrick Tromp cu ta traha na

departamento di Facturatie. Ora Patrick a cana drenta su oficina bek despues di atende un afspraak el a keda sorprendi. Eynan tabat'ey presente su famia, diferente colega y Hunta di Directi-

va pa ricibi'e cu zonido di alegria.

E no a spera esaki na ningun momento y a keda masha contento ora a bise cu el a wordo scogi como empleado di luna. Despues

cu Hunta di Directiva y otro colega a hiba algun palabra e mes a conta tocante su motivacion pa cu su trabou, su pasion y e orguyo cu e ta sinti formando parti di ONE TEAM. Coleganan hunto a entrega Patrick su nominacion cerca Hunta di Directiva y a motiva nan nombracion basa ariba varios punto cu ta resalta cerca dje.

Patrick su resultadonan di trabou ta hopi satisfactorio. E tin mas cu 12 aña formando parti di e team di facturatie y diariamente e ta brinda servicio na turista y esnan cu no ta sigura pa AZV.

E no ta facil pa papia tocante finansa cu famia y pashentnan na momento cu ta sufriendo di un kebrante di salud y pues ta pasando den momentonan dificil. Pero Patrick tin un personalidad fuerte; e ta keda positivo y semper amabel. E tin conocimiento amplio riba su tereno y tin habilidadnan importante manera brinda oido na e cliente y su famia, y ta comunica di un forma habri y transparente. Ademas, e ta midi e satisfaccion di cliente. E ta puntra semper si e servicio di Hospital tabata na agrado y e ta sinti su mes orguyoso ora esaki tabata excelente.



Polis ta batende ku chauffeur burachi

ORANJESTAD -- Polis mester a atende cu un chauffeur burachi den oranan laat di anochi, despues di 11'or. Central di polis a manda e patruya na Sta Martha,

unda a mira un Chevrolet Optra preto coriendo di un forma irresponsabel.

Na e T-Kruising di Sabana Grandi / Yucuri a topa cu e auto en cuestion.

A duna chauffeur señal pa para, pero el a negligisha esaki. E homber a sigui core direccion di su cas na Rooi Bosal. Polis a siguie te ora cu el a para dilanti

su cas. Polisnan a baha pa reclam'e riba su comportacion, y a bin descubri ta pakico el a actua asina. A constata cu e tabata bou influencia di alcohol. Mesora

a deten'e, sin importa cu e tabata dilanti su cas caba. Transportwagen a hib'e warda na Macuarima, unda cu a presenta dilanti un fiscal auxiliar.

ARUBA

Delegacion di gemeente Venray a bishita Arubahuis

ORANJESTAD— Un delegacion di gemeente Venray a haci un bishita oficial na Minister Plenipotenciario mr. Ady Thijsen. E delegacion encabesa pa e burgemeester di Venray Leontien Kompier a conta tambe cu wethouder (diputado) Daan Janssen y miembro di e Gemeenteraad pa e partido Venray Lokaal Amira Luydens-Dabian. E bishita di e delega-

cion di Venray ta un bishita pa coresponde esun cu Minister Thijsen a haci na Venray pa papia riba puntonan di cooperacion entre Aruba y Venray. A papia riba orientacion riba proyectonan di agricultura riba un escala chikito, pero na mesun momento produci productonan di calidad halto.

Venray ta conoci pa produccion di honing y akinan por mira unda Aruba por

tin bentaha di e experticio di Venray pa su mesun produccion di honing.

Tambe a papia di plantacion di matanan di fruta pa por bin cu produccion di jam pa e mercado local y e hotelnan. Segun minister Thijsen esaki tin potencia na Aruba mirando cu awor tur loke ta jam pa desayuno ta wordo importa. Otro aspecto cu tambe ta bon pa sondea ta cria di cabrito y produccion di keshi di cabrito, cu na Europa ta wordo considera como un delicatessen.

Durante e combersacion a papia tambe di cooperacion riba e tereno di gobernacion cu sosten di VNG (Vereniging van Nederlandse Gemeente). Burge-meester Kompier lo tuma contacto riba esaki cu VNG y Pro Demos pa mira cual rol VNG por hunga pa bin cu un Conferencia di Mesa



Rondo pa papia riba futuro relacion den Reino Hulandes. Riba e aspecto di cuida a papia riba manera pa hisa e nivel di educacion di e estudionan tanto pa LBO como MBO.

Lo mester busca moda pa ahusta e curriculum na EPI pa asina e por ta riba e mesun nivel cu un MBO na Hulanda. Tambe a papia riba e posibilidad pa intercambio di studiantenan di Gilde College cu ta un scol MBO na Venray. E iniciativa riba e tereno aki ta den

man di Amira Luydens-Dabian.

Por ultimo den cuadro di 70 aña di Carnaval di Aruba na 2024 a papia riba un exposicion di Carnaval conhuntamente cu Gemeente Venray, mirando cu e ciudadnan den e provincianan Brabant y Limburg ta celebra Carnaval. Wethouder Janssen lo tuma contacto cu e organisacion di Carnaval di Venray De Piëlhaas y e Venrays Museum. E iniciativa pa cu e exposicion aki ta den man di Arubahuis.



Despedida conmovedor na Parlamentario Melvin Tromp

ORANJESTAD -- Diahuebs 9 di feb 2023 a tene e despedida y acto di entierro di e ex Parlamentario di e fraccion di AVP, Melvin Tromp. Den oranan di mainta famia y amistadnan a sali di Ad Patres cu e curpa di Melvin Tromp, escolta door di Polisnan y nan prome parada tabata dilanti Parlamento di Aruba caminda a habri porta di e cherche y a pone krans.

Miembronan di parlamento y amistadnan a despedi di e ex Parlamentario Melvin Tromp.

Despues a bay na Cas di Partido di AVP, na unda a tene un ceremonia di despedida pa nan gran amigo y colega. Algun di e miembronan di AVP, amigonan di Aruba y su gran amigo Prome Minister di Corsou sr. Pisas, a dirigi algun palabra di condolencia na e

famia cu tabata presente y a conta un poco anecdota como politico y amigo cu nan a comparti cu Melvin Tromp. Despues di e ceremonia conmovedor na cas di partido, unda cu por a mira tanto Pisas como Mike de Meza yora, a hiba e curpa na misa Santa Theresita na San Nicolas y banda di 4:45 pm e entierro a tuma lugar na Santana Catolico na Zeewijk, San Nicolas.



Muhe den trahe di Eva

ORANJESTAD – Polis mester atende un caso straño cu a tuma lugar na Boroncana. A drenta un yamada unda un ciudadano ta pidi ayudo di Polis pa un muhe desconoci cu a cana drenta su cas.

Polisnan a keda sorprendi ora cu a yega na e sitio. Prome e habitantenan a bisa e polisnan cu nan no conoce e señora y cu e muhe a cana drenta e cas, manera ta di dje, pero sin un pipita di paña bisti. Polisnan a constata cu

e tabata bou influencia di alcohol. A trata di papia cu ne pero e no tabata reacciona riba e preguntanan.

Pa colmo, segun e señora di cas a conta, e desconoci aki a coy un flatscreen y tir'e na suela. Esaki a keda totalmente destrui. E muhe despues di su acto a bay sinta den sala. E no ta un persona cu nan a yega di mira den bisindario y a dicidi di deten'e y hib'e warda di polis.



Flamingo United Girls 2-1 riba ATC futbòl femenino

KRALENDIJK--E tim di futbòl femenino di Flamingo United Girls di Nikiboko, djaweps último den kontinuashon di kampeonato futbòl femenino, a gana di ATC di Tera Kòrá ku skor di 2-1.

Esaki tabata partido nr.6 di W Open Class ku a tuma lugá na Fèlt ATC na Tera Kòrá den oranan di anochi.

Resultado ofisial di e

partido aki ta ku e ekipo di Flamingo United Girls a gana e partido ku skor di 2-1.

E golnan di Flamingo United Girls den e partido ta di Adriana Costa Oliviera na di 14 i 50 minüt di e partido.

E gol di ATC tabata di Nathaniela Emerenciana na di 42 minüt di e partido.

Rèfri ku a dirigí e parti-

do aki ta Alejandro Wilson, huntu ku su asistentenan.

E asistensia na e partido aki tabata di 50 fanátiko.

Riba potrètnan ta mira e ekiponan, outornan di e golnan di e partido, tambe rèfrinan ku a dirigí e par-

tido djaweps anochi na Fèlt ATC na Tera Kòrá.

Éksito na e ekiponan den e kampeonato.



Azteca 5-1 riba La Tropicana

KRALENDIJK--E tim di biliart di Nort Saliña ku ta Azteca, djaweps último den kontinuashon di kampi-onato biliart bola-8 djaweps último, a gana di La Tropicana di Rincon ku skor di 5-1 den kontinuashon di kampeonato biliart bola-8 di FeBiBo.

Tabata un partido ku no a konosé 7bola den e partido.

Pa loke ta e partido, Az-

teca a sali pika dilanti 2-0, pa despues La Tropicana reakshoná i gana unu, loke tabata tur tambe pa e ekipo aki, ya ku despues di esaki La Tropicanan no ta gana niun mas i Azteca ta bai ku e viktoria di 5-1 riba La Tropicana.

Sètman di e partido.

Azteca – La Tropicana 5-1.

C. Vos – E. Albertus

2-1.

G. Molina – O. Mercera 2-0.

G. Serberie – B. Lands-kind 0-2.

A. Ford – H. Janga 2-0.

P. Semeleer – J. Clar-enda 2-1.

J. Sof – H. Figaroa 2-0.

Éksito na e ekiponan den e kampeonato den su fase final di e kampeonato.

Éksito..

Standing 3er buèlta bola-8

KRALENDIJK--Fe-BiBo ku ya e federashon di biliart di nos isla, e siman aki a publiká su “standing” di e di tres buèlta di kampeonato biliart bola-8 den su fase final di e kamponato, esaki faltando 2 patido mas.

Standing.

Mastertouch 8 ganá 3 pèrdí, 48 sèt na favor 33 kontra, averahe +15.

Azteca 8 ganá 3 pèrdí,

48 sèt na favor 34 kontra, averahe +14.

The Untouchables 6 ganá 5 pèrdí, 46 sèt na fa-bor 39 kontra, averahe +7.

La Tropicana 5 ganá 6 pèrdí, 40 sèt na favor 39 kontra, averahe +1.

Rico Chet 1 ganá 10 pèrdí, 21 sèt na favor 54 kontra, averahe -33.

E kampeonato falta 2 partido mas di e buèlta regular.

DEPORTE

Diputado Kroon super kontentu ku trabounan na Stadion di Rincon

KRALENDIJK--Segun diputado di deporte sr. James Kroon den entrevista ku nos tabatin kuné djaweps último, e trabounan pa loke ta trata Stadion Antonio Trenidad ku ta keda konbèrtí den un hoyu di un stadion di futbòl internashonal, ta kanando super bon.

E mandatario ta super kontentu ku e trabounan.

Mas aleu di akuerdo ku diputado Kroon, ya e yerba a wòrdu kambia kaba, e sei ta den su fase final.

Manera e la bisa tambe segun e mandatario, e parti di lusnan tambe a yega kaba, e parti di kamerinnan tambe ta na kaminda.

Tambe tur e midínan ku mester a buta pa e parti di siguridat, e portanan tambe, tur esakinan ta kanando segun plan, tambe e tribunanan.

A kumpra algun tribuna segunda mano, ya ku si lo a bestèl esakinan, nan lo no a yega na tempu.

Pa siguridat a kumpra algun tribuna ku mas o menos un MIL hende mas por sinta mira e weganan.

Manera ta konosí, den e fase aki e parti di siguridat ku tur esenan, e tipo di weganan internashonal ta musta komo eksigensia ku e fanátikonan mester ta sintá i a tene kuenta ku esaki tambe.

E tribunanan a yega, pronto e trabounan lo sigui tambe den e direkshon ei.

E siman aki lo bai traha bar nobo i tualètnan etc ku lo bini di betòn.

E trabounan relashoná ku esaki ta kanando bon.

Ta bini tambe un skorbòrd super modèrno ku tambe ta na kaminda.

Tur kos ta den planning, tur kos ta kanando segun e plan i tin ku gradisí tantu Indebon i tur hende ku ta traha riba e proyekto, tur e komishonnan ku ta hasiendo un tremendo trabou,

Di parti gobièrnu tambe tur e koperashonnan, Fundashon Wegu Number Boneiru, tur e hendenan ku a

yuda pa asina nos por realisá e bunita proyekto aki pa Boneiru.

Ta trata di un hoyu di un proyekto ku lo bai karga esaki komo un stadion internashonal pa nos isla.

Mas aleu e mandatario sr. Kroon a bisa tambe un VWS, FNVB, nan tur ta e partnernan enbolbí ku ta hasi esaki posibel.

E proyekto ta kanando hopi bon, un trabou enorme ta tumando lugá, sperando ku e dia ku e wega internashonal aki lo tuma lugá dia 28 di mart 2023, nos pueblo, nos komunidat boneriano lo ta sumamente kontentu mirando nos hóbenan futbolista hun-

gando na kas.

E petishon a bini tambe di nos futbolistanan, manera sèmpre a hasi lo máksimo tambe pa kumpli ku esaki segun e mandatario a bisa.

Esaki ta birando e realidat ku hopi hende lo no a fèrwagt, pero e realidat ta na kaminda segun diputado Kroon a bisa.

Esei ta e loke ku e gobièrnu a bin ta hasi último añanan, pa asina pone di bèrdat nos hóbenan, nos deportistanan den spòtlait.

Esakinan di akuerdo ku diputado di deporte, señor James Kroon, segun e la bisa den entrevista ku nos tabatin kuné djaweps último.

Desaroyo di trayekto di formashon Federashon di Beisbòl i Sòftbòl Boneriano.

KRALENDIJK--Desaroyo di trayekto di formashon Federashon di Beisbòl i Sòftbòl Boneriano.

Pa algun tempu kaba e grupo di kontakto, ku ta konsistí di Marionela Josephia, Chynesca Cornelia i Clinton Kirindongo, ku ta enkargá ku fundamentu di federashon di beisbòl i sòftbòl na Boneiru, tin algun tempu kaba ta trahando duru pa por logra pone esaki riba pia.

E intenshon ta pa funda un federashon ku e meta pa mantené beisbòl i sòftbòl di forma duradero riba e isla di Boneiru.

Durante e trayekto ku tin ta kanando for di sèptèmber 2021, ya por a mira diferente desaroyonan den ámbos deporte ku ta tumando lugá.

Algun di e desaroyonan aki ta konstrukshon i renobashon di vèltnan di beisbòl i sòftbòl ku ta tumando lugá.

Diferente kurso pa téknikonan riba nivel 1 i 2 i tambe pa miembronan di direktiva.

Aktualmente e grupo di kontakto ta den e trayekto kaminda reunionnan ta tumando lugá ku tur organisashonnan di beisbòl i sòftbòl ku tin riba e isla, pa

asina informá nan di e desaroyonan ku ta tumando lugá, plannan ku tin konsipiá pero tambe alabes tuma ideanan di tur organisashonnan, p'asina huntu forma un ambiente deportivo nobo den e dos deportenan.

Durante e seshonnan aki, a informá tokante e posibel struktura di e federashon, ròl di e federashon den e mundu di beisbòl i sòftbòl,

proposishon di mapa organisatorio, benefisio komo miembro di federashon, ekonomia deportivo saludabel i mas.

Un danki ta bai na Plaza Beach & Dive Resort Bonaire, espesialmente señor Alexander Thole pa a brinda nan e sala Arawak pa nan por a reuní ku e komunidat di sòftbòl den e trayekto aki.

Tambe nan kier a grade-

sí INDEBON pa a habri nan sala di reunion pa nan, pa asina nan por a reuní ku e organisashonnan di beisbòl.

E grupo di kontakto ta sigui promové koperashon bou di tur organisashonnan di beisbòl i sòftbòl, pa huntu nan logra e metanan.

Sigui nan via nan facebook page: Nos ta bai kuminsa huntu.



12 % salario aserka den un año mei

COA nobo pa personal den akohida pa mucha

HULANDA -- Sindikatonan di dunadónan di trabou a bai di akuerdo tokante un CAO nobo pa personal den e sektor di akohida di mucha. Den esaki a palabrá ku e año akí e salario ta subi ku pro medio 7,9 porshento i e siguiente año ku 4 porshento. E CAO ta bálido pa un año i mei, di promé di yanüari pa 30 di yüni 2024. “E ta hopi importante pa nos miembro nan ku e salario ta subi debí na e inflashon haltu,” Deddy Dorenbos di sindikato FNV, a bisa. “Ku awor nos a traha afspraak, ta duna nos e espasio pa papia mas aleu tokante asuntunan komo

preshon di trabou i falta grandi di personal.”

Lista di espera

Ku e CAO nobo akí nos ta ofresé un mihó perspectiva pa tur hende ku awor ya ta trahando i esnan ku ta bai traha den akohida pa mucha, Loes Ypma, presidente di e organisashon di dunadó di trabou, BMK, ta bisa. Aktualmente un 117 mil hende asina ta traha den e sektor di akohida pa mucha. Ya for di awor tin falta di personal den akohida pa mucha, pero hopi biá tin lista largu pa un lugá. Ta spera ku na 2025 e demanda pa akohida pa

mucha ta krese ainda mas aleu, pasobra Gabinete ke hasi esaki kasimente grátis. Desde yanüari 2025 Reino ke paga 96 porshento di e asina yamá preis máksimo.

Preshon di trabou

Na novèmber ainda a kibra e negosashon di e CAO pasobra sindikatonan no tabata kontentu tokante e ofresementu final di e dunadónan di trabou. Despues di un petishon pa reakshon di e sindikatonan, fin di luna pasá a bolbe kuminsá ku e negosashonnan.

Segun e sindikato FNV, e preshon di trabou pa hopi año ya ta haltu den

akohidanan di mucha. Trahadónan ta haña ku nan ta pèrdè tempu ku atministrashon i dor di esei ta keda muchu tiki tempu pa e muchanan. Tin biá te asta nan mester tene un dòbel atministrashon. E trahadónan

mester tene tur loke ku sosodé bei den un buki i tambe hopi mayor konstantemente ta spera aktualisashon via gruponan di whatsapp tokante tur loke nan yu ta hasi i kome, Deddy Dorenbos, dirigente di FNV, ta bisa.

*Disney ta anunsiá reorganisashon*

Shete mil trahadó ta haña retiru

HULANDA-- Walt Disney Company a anunsiá un

reorganisashon grandi kaminda shete mil lo trahadó



lo bai pèrdè trabou. Esaki ta un 3,6 porshento asina di e trahadónan aktual di e konsorsio di entrenementu.

E empresa desde awor ta pone tur aktivitat bou di tres tarea, un tarea di entrenementu bou di kua pelíkula, televishon di streaming ta kai afó, un tarea di deporte ku e planta di televishon ESPN i un tarea ku e parkenan di atrakshon di Disney.

Segun direktor general, Bob Igere, reorganisashon

ta nesesario pa hasi kosto mas efisiente i por bai hasi trabou kordiná.

Iger entre 2005 i 2020 ya a guia e empresa i año pasá a regresá sorprendentemente bèk. Akshonistanan ta keha entre otro di kosto haltu di e plataforma di streaming di Disney+.

Iger a bisa ku Disney posiblemente a bai traha muchu agresivo i hasi intento pa trese miradónan di streaming paden. Segun e hòmbèr tòp, streaming

ta keda sí un prioridat pa e empresa.

No solamente e servisio di streaming di Disney ta pasa problema ku mal resultado. Konkurentenan Bros Discovery i Netflix, tambe a anunsiá retiru di trahadó.

Esaki ta di tres biá den tres año ku Disney ta bai pa un kaminda nobo. Tantu na 2018 komo, tabatin un reorganisashon. Ámbos biá a dediká hopi riba e kresementu di streaming.

Gobièrnu di akuerdo

Embolbimentu duradero di Hulanda na patrimonio Karibense

DEN HAAG -- Sekretario di Estado, Gunay Uslu, di Enseñansa, Kultura i Siensia, ta kambia di opinion i a duna sosten djaweps na e moshon modifiká di miembro di Tweede Kamer pa SP, Rinske Leijten.

Ei den ta pidi Hulanda pa ofresé sosten na man-

tenshon i desaroyo di e patrimonio kultural den e parti Karibense di Reino.

Leijten ta spera di haña Hulanda dispuesto pa duna sosten pa drecha e estado di e archivonan, ku ta hasi investigashonnan posibel i asina kontribuí ku konsientisashon.

E moshon modifiká ta

pidi embolbimentu duradero Hulandes pa patrimonio i konsulta ku paisnan Karibense tokante loke por i loke no por.

Uslu tambe ta favoresé e idea i ta bai konsultá awor ku Aruba, Kòrsou, Sint Maarten i islanan BES, kiko ta nan de-seonan spesífiko.

SP.

*Parlamentario Rinmske Leijten.*

STATIA/SABA/ST. MAARTEN

BISHITA REAL NA SABA



Yabi di Boneiru den man di prens ku pancho

Diputado Elvis Tjin Asjoe djabièrnè atardi a risibí embahadornan di karnaval. El hasi entrega di yabi di Boneiru na e duo. E hóbenan a haña splikashon di importansia di sala kolegio ehekutivo.





Queen Bed Grey
\$549



Cordless Drill
\$79



6.2" Car Touchscreen
\$175



CityShop
Smart shopping ► Better living

DON'T MISS THE DEALS

VALENTINE'S DAY DEALS

30
ANIVERSARIO

15.6" HP Laptop
i3 Processor
8 GB RAM
Windows 11
\$795



OFFICIAL STORE 

8" Lenovo Tablet
\$185

